



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 4. Pravilnika o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe („Službene novine Kantona Sarajevo“ broj 11/21), Općinski načelnik objavljuje

JAVNI POZIV za dodjelu jednokratne novčane pomoći licima u stanju socijalne potrebe

1. PREDMET JAVNOG POZIVA

Predmet ovog Javnog poziva je dodjela jednokratne novčane pomoći građanima općine Centar Sarajevo koji se nalaze u stanju socijalne potrebe.

2. FINANSIJSKA SREDSTVA

Sredstva za dodjelu jednokratne pomoći su predviđena Budžetom Općine Centar Sarajevo za 2022. godinu i raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe („Službene novine Kantona Sarajevo“ broj 11/21) i Pravilnika o izmjenama i dopunama pravilnika o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe (broj 09/B-11-7898/21 od 24.01.2022. godine).

3. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na jednokratnu novčanu pomoć imaju lica u stanju socijalne potrebe pod sljedećim uvjetima:

- da podnosilac zahtjeva ima prebivalište na području općine Centar Sarajevo u trajanju od najmanje jedne godine do dana podnošenja zahtjeva ili boravište po osnovu statusa raseljenog lica;
- da nitko od članova zajedničkog domaćinstva podnosioca zahtjeva nije vlasnik preduzeća ili samostalne radnje ili ima registriranu dopunsku djelatnost;
- da nitko od članova porodičnog domaćinstva podnosioca zahtjeva nije ostvario drugi vid jednokratne novčane pomoći iz nadležnosti Službe za boračko-invalidsku i socijalnu zaštitu.
- da je podnosilac zahtjeva lice u stanju socijalne potrebe definisano članom 5. naprijed navedenog Pravilnika.
- da podnosilac zahtjeva nije fiktivno prijavljen na adresi prebivališta, što će se u postupku utvrditi nenajavljenom terenskom posjetom (maksimalno dva izlaska na teren po zahtjevu);
- da je podnosilac zahtjeva opravdao budžetska sredstva dodijeljena u prethodnoj godini na ime jednokratne novčane pomoći koju je ostvario putem nadležne službe za poslove socijalne zaštite.

Odredba člana 5. Pravilnika propisuje sljedeće:

„(1)Licima u stanju socijalne potrebe, pod uvjetom da ukupna primanja porodičnog domaćinstva ne prelaze iznos od pola prosječne plaće ostvarene u FBiH prema posljednjim statističkim pokazateljima, smatraju se:

- a) Korisnik stalne novčane pomoći, korisnik tuđe njege i pomoći i lične invalidnine ostvarene putem Službe socijalne zaštite– Kantonalnog centra za socijalni rad;
- b) Osobe s posebnim potrebama , osobe nesposobne za samostalan rad,
- c) Korisnici dodatka na djecu,
- d) Stara, bolesna i iznemogla lica starosti preko 60 godina,
- e) Porodilje koje nisu u radnom odnosu u periodu ostvarivanja prava na porodiljsku naknadu,
- f) Penzioneri sa minimalnom penzijom,
- g) Lica iznad 50 godina starosti koja su nakon dugogodišnjeg radnog staža ostali bez zaposlenja,
- h) Lica koja uslijed nelikvidnosti firme nisu ostvarila pravo na lični dohodak u posljednja tri mjeseca do dana podnošenja zahtjeva,
- i) Lica u čijem se porodičnom domaćinstvu svi punoljetni članovi nalaze na evidenciji Službe za zapošljavanje

(2)Nadalje se licima u stanju socijalne potrebe,pod uvjetom da ukupna primanja porodičnog domaćinstva ne prelaze iznos od jedne prosječne plaće ostvarene u FBiH prema posljednjim statističkim pokazateljima, smatraju:

- j) Samohrani roditelji čija djeca nemaju navršenih 27 godina života, a koji su korisnici dodatka na djecu;
- k) Porodice u kojima se jedan član domaćinstva liječi od teške bolesti,
- l) Lica koja se nađu u stanju socijalne potrebe u slučaju smrti člana užeg porodičnog domaćinstva,
- m) Djeca bez oba roditelja ili djeca bez roditeljskog staranja do navršenih 27 godina života.“

4. POTREBNA DOKUMENTACIJE

Podnosioci zahtjeva za dodjelu jednokratne novčane pomoći po ovom Javnom pozivu dužni su dostaviti sljedeću dokumentaciju:

- uvjerenje o kretanju za podnosioca zahtjeva;
- prijava prebivališta za članove porodičnog domaćinstva podnosioca zahtjeva;
- kućna lista;
- potvrda o visini primanja za zaposlene članove porodičnog domaćinstva;
- dokaz o statusu nezaposlene osobe za članove porodičnog domaćinstva koji nisu u radnom odnosu;
- poresko uvjerenje za punoljetne članove porodičnog domaćinstva;
- uvjerenje o redovnom školovanju za djecu stariju od 15 godina;
- dokaz da li podnosilac zahtjeva ostvaruje prava iz nadležnosti JU Centar za socijalni rad Kantona Sarajevo (Služba socijalne zaštite općine Centar);
- medicinska dokumentacija za oboljele članove porodičnog domaćinstva;
- dokaz ukoliko se radi o djetetu bez jednog ili oba roditelja odnosno djetetu kojem je utvrđeno starateljstvo putem nadležne službe;
- dokaz da je podnosilac zahtjeva samohrani roditelj;
- ugovor o zakupu ili ovjerena izjava zakupodavca (ukoliko se zahtjev odnosi za pomoć za plaćanje troškova smještaja);
- izvod iz matične knjige umrlih za člana porodičnog domaćinstva (ukoliko se zahtjev odnosi na finansiranje troškova ukopa);
- dokaz JU Centar za socijalni rad Kantona Sarajevo (Služba socijalne zaštite općine Centar) da je umrli član porodičnog domaćinstva bio u stanju socijalne potrebe (ukoliko se zahtjev odnosi na finansiranje troškova ukopa);
- tekući račun podnosioca zahtjeva.

5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu, elektronskim putem,poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 dana od dana podnošenja riješiti zahtjev i o tome obavijestiti podnosioca.

Neblagovremene i nepotpune prijave neće se uzimati u razmatranje.

Dodatne informacije se mogu dobiti na broj telefona: 033/562-447 i 033/562-353.

NAPOMENA: Korisnici koji ostvare pravo po ovom Javnom pozivu , dužni su dodijeljena budžetska sredstva pravdati na način koji će biti utvrđen zaključkom Općinskog načelnika.

Općinski načelnik

Srđan Mandić